

AFIRIK LAABEY ADAMAYZETARAY ALHAKKEY TIRAA KAŋ BOŋ I WAAFAKU.

I waafaku wone yaŋ boŋ:

GANDA SINTINA : ALHAKKEY NDA HIMANDEY

DUMBARI SINTINA : ADAMAYZEY ALHAKKEY

Ciiti fondo 1:

Laabey kaŋ yan go Afirik marga-marga sataara, kaŋ yan yadda nda adamayzeturay alhakey, i himandey nda i boŋ-duurey kaŋ i gaayi tira wo ra, na sankha sambu ga ciiti fondo yan wala hari kaŋ ga hima nda yaadin gorandi ga goy nd'ey.

Ciiti fondo 2:

Boro kulu ga hini ga nafa nda nga alhakey nda nga boŋ-duurey kaŋ iyadda nd'ey kaŋ sinda fayanka-fayanka kulu : ga-kuurey, dumey, addiney, wayboro wala alboro, ciiney, diiyaney boŋ (siyaasa, laabiizeturay tiksa, wala hari kulu kaŋ no).

Ciiti fondo 3:

1. Borey kulu ga saba ciiti fonda ra/ga
2. Borey kulu hima ga baranda alhaku folonka hallasa boŋ ciiti fonda ra/ga.

Ciiti fondo 4:

I hima ga boro kulu adamayzeturay (burcintaray) dahirandi. Boro kulu gonda fondo i ma a baafuna beerandi nda a burcintara: I si hin ga boro kulu ganji alhaku wone.

Ciiti fondo 5:

Boro kulu gonda fondo i ma lalabu a burcintara alhakey ndawo kaŋ cito tabbatandi a se. Adamayze dorandiyaj wala a nakkasandiyaj kulu dumi, waana-waana : tamtaray, boro fatawci, ga-ham wala lakkal kambe-kuna- futay, i ma taabandiyaj nda gurzugandiyaj laaley wala kaynandiyaj kaŋ mana hagu nda munaadam ganji.

Ciiti fondo 6:

Boro kulu gonda alhaku nga hallasa nda a boŋ dura ga. I si hin ga boro kulu boŋ-duura ganji a se kala nda sabiiley nda fondo tabbatantey kaŋ ciito gorandi, yaadin mo no i si hin ga boro kuludi wala i ma a daabu kaŋ sinda mafaari.

Ciiti fondo 7:

1. Boro kulu gonda fondo i ma hangan a se. A go alhako ra :
 - a) Bora ma nga hêeno toonandi laabo ciiti fuwey do waati kaŋ i na a alhakey kaŋ i gorandi taamu.
 - b) I ma si boro tuuma nda taali kala nda ciito fuwo na a tabatandi

- c) Bora gonda fondo a ma cecci ga nga boŋ-ka-tibi ba day a ma faasako sambu (no)/
 - d) I nima ga ciiti boro se alwaati kaŋ ra a hima nd'a.
2. I mana hima ga borokulu daabu taali kaŋ mana to daabuyaŋ se a teeyajo lookaco ra. Ciiti kulu mana hima ga boro kaaru, da i mana dumbu taalo waate. I ma boro kulu kar nda a taalo.

Ciiti fondo 8:

Boro kulu gonda fondo a ma laasaabu, a ma goy wala a ma gana addiini kaŋ a ga ba. Boro kulu no i si tilasandi a ma hirri daŋ nga boŋ-duura cebeyaŋ ga.

Ciiti fondo 9:

1. Boro kulu gonda alhaku i ma a no labaari.
2. Boro kulu gonda fondo a ma salan wala a ma nga diiyoŋ ci ciiti fonda boŋ.

Ciiti fondo 10:

1. Boro kulu gonda fondo a ma satayaŋ sijiri nda boro fo yaŋ kaŋ yaŋ ga koy ciiti fondey
2. I si boro kulu doole ga daŋ kunda ra kala nda care diyaŋo kaŋ i tilasandi ciiti fondo warranka cindi yagganta ra

Ciiti fondo 11:

Boro kulu gonda fondo a ma furo sata ra. Alhako wo si goy kala nda i na ciiti fondey gana, sanda laabo nda laabiizey hallasa, ga-ham baani, biirima wala borey boŋ-duura alhakey.

Ciiti fondo 12:

1. Boro kulu gonda fondo a ma windi mate kaŋ a ga ba, a ma goro mo nangu kaŋ a ga ba kaŋ sinda ciiti fondey tarŋyan.
2. Boro kulu gonda fondo a ma dira laabu kulu ra, ba a laabo no, a ma ye ga ka nga laabo ra. Alhako wo mana hima ga tun kala da ciiti fondey na a gorandi kaŋ ga naŋ laabo hallasa, ga-ham baano nda biirima ce ma kay.
3. Boro kulu gonda fondo da ina taanu a ma faaba ceeći laabu waaney ra, mate kaŋ laabu kulu ciiti fondey nda laabey kaŋ waafaku gorandi.
4. I si hin ga yaw kaŋ du fondo gaaray laabu fo ra da manci ciiti fondey no na a ci.
5. Ce-yawey gaarayyaŋo si fondo. Gaarayyaŋo din dumi ga ci wokaŋ ga jama kaŋ i laabu fo, dumi fo wala addiini fo guna.

Ciiti fondo 13:

1. Laabiizey kulu gonda fondo i ma furo laabo jine-koyyaŋo fondo ra, ngey boŋ se wala i ma boro fo yaŋ wakiiland ciiti fondey kaŋ i gisi ra ;
2. Laabiizey kulu gonda alhaku i ma furo saawarey ra.
3. Boro kulu gonda fondo a ma nafa nda gomnati goy-goyey kaŋ sinda fayanka kulu.

Ciiti fondo 14:

Ciiti ga boro kulu haro batu. I si hin ga lamba a ga kala da jama muraadu tun wala mo hari kaŋ ga jama nafa, wo ne mo, kala da a ga koy nda ciiti fondey kaŋ hima nd'ey.

Ciiti fondo 15:

Boro kulu gonda alhaku a ma goy fondo yulwante yaŋ ra kaŋ sinda fayanka, a ma du mo a banando, i ma a goyo nda alhako sasabandi.

Ciiti fondo 16:

1. Boro kulu gonda fondo a ma nafa nda nga ga-ham baano kaŋ aga boona.
2. Laabey kaŋ margu ga waafaku nda tira wo na sanka tabbatante yaŋ sambu ga i laabiizey ga-ham baano batu, ga du ga kande i se safarayi doori-doorey kambo do haray.

Ciiti fondo 17:

1. Boro kulu gonda fondo a ma caw.
2. Boro kulu gonda fondo a ma koy naamu-naamey foorey do borey ra.
3. Biirimay nda naamu-naamey dahirantey saajawyaj nda izaadandiyaj ga waajibi gomnati ga a ma du gaadamayzey alhakey hallasi.

Ciiti fondo 18:

1. Almayaaliga ci jayzetary ganjo nga mo ga ci borey ndujŋa gora tiksa. Gomnati hima a ma haggoy nd'a, a ma a ga-ham baano nda a biirma kuru.
2. A ga waajibi gomnato ga a ma windeygaakasinay, borey biirma nda naamu-naamey kaŋ yan al-umma dahirandi ce-dirawo ma boori.
3. Gomnati gonda fondo a ma fayanka-fayanka ganji wayborey do haray, a ma haggoy nda wayborey nda zankey alhakey mate kaŋ i na i gorandi ndujŋa marga-marga tira ra.
4. Dottijey nda leebantey gonda alhaku hallasa do haray kaŋ ga boona ga koy i wane ga-hamey nda i ndujŋa gora do haray.

Ciiti fondo 19:

Laabey kulu ga saba, i kulu burcintaray nda alhaku followkey. Sabiili kulu si daŋ laabu fo ma afo may.

Ciiti fondo 20:

1. Laabu kulu gonda fondo a ma baafunay. Laabu kulu gonda alhaku kaŋ i mana hima ga dokkoray wala ga taamu a boŋ mayra ra. Nga no ga nga siyaasa fonda kaŋ ga a arzakaa nda adamayzey baafuna jine-koyyaŋo guna fonda kaŋ a suban nga boŋ se.
2. Laabey kaŋ i may nda wo kaŋ i go ga taabandi gonda fondo i ma ngey boŋ-duura ceeći ga simba ga koy nda fondey kaŋ ndujŋa laabey marga-marga sataa dahirandi.
3. Laabey kulu gonda fondo i ma gaakasinay ceeći laabey kaŋ yaŋ go marga-marga sataa ra, ga tangam ga ngey boŋ wanda laabu waaney mayra, a ga ciya siyaasa fondo no, arzaka wala naamu-naamey do haray.

Ciiti fondo 21:

1. Laabey gonda fondo i ma ngey arzakey hawzu. Alhako wo laabiizey hinne no a ga nafa. Laabu kulu no i manahima ga ganj'a.
2. Ba da zaytaray te, laabo gonda fondo a ma nga arzaka kaŋ i zay wala kaŋ I sara ce-gana, a gonda mo fondo ma samayaŋ (jukkeyaŋ) te kaŋ hagu nd'a.
3. Laabu arzaka i ga a hawzu kaŋ manci nda tilas, a ma furo laabey marga-marga arzaka

kunda ra kaŋ i feeri care beerandiyaj barmayyanjey ma saba nda ndujnja ciiti fonda kaŋ i gorandi.

4. Laabey kaŋ yaŋ go kunda wo ra na anniya sambu afo-fo kulu nda i marganta kulu ga du ga ngey arzakey hawzu kaŋ ga naŋ ngey ma care di ga te afo ga care gaakasinay ngey Afirik laabey ra.
5. Laabey kaŋ yaŋ go kunda wo ra na anniya sambu ga du ga ganji laabu waani kulu ma si i arzaka ka, sanda wo kaŋ laabey kaŋ yaŋ na i may go ga te, hari kaŋ ga du naŋ laabiize kulu ma hinfaani nda laabo arzaka.

Ciiti fondo 22:

1. Laabey kulu gonda fondo ngey arzakey, ngey ndujnja gora nda ngey naamu-naamey ma koy jine kaŋ ra i ga ngey boŋ-duura nda ngey adamayzetara beerandi nda borey nafayaŋo ma saba laabo harey ga.
2. Laabey gonda alhaku, waani-waani wala kunda ra, i ma jine-koyyaŋ alhakey fondey ce-kayandi.

Ciiti fondo 23:

1. Laabey gonda fondo lakkal-kana nda hallasa ma tabbat ngey laabey ra nda ndujnja kulu ra, care dire nda care baakasinay fonda kaŋ ndujnja marga-marga sataa tabbatandi nda Afirik laabey nda care game ra.
2. Kaŋ ga naŋ lakkal-kana, care dira nda care gaakasina ma gaabu, laabey kaŋ yaŋ go sata wo ra na sankha sambu ga ganji :
 - a) Boro kulu kaŋ go gaarayyaŋ ganji mate kaŋ ciiti fondo 12 na ci nda, ma furo hari jine kaŋ ga kande lakkal tunay nga laabo wala mo laabu waani kaŋ yaŋ go kunda wo ra;
 - b) I laabey mana hima ga te daala (nangu) kaŋ ra teera kaŋ ga kande lakkal-tunay wala mo kaŋ ga ize-futey no fondo laabu fo-fo kulu ga kaŋ go marga-marga satara.

Ciiti fondo 24:

Laabey gonda fondo batama yulwante ga nda nangu kaŋ gonda nafa i zaadayaŋo fonda ra.

Ciiti fondo 25:

Laabey kaŋ na kambe dake tira wo ga hima ga goy nd'a. Cawandiyaj, biirimay nda laabarandiyaj fonda ra, i ma borey alhakey nda i boŋ-duureybangandi mate kaŋ a go tira wo ra, i ma mataci yaŋ sambu kaŋ ga naŋ jama ma faham nda borey boŋ-duurey, i alhakey nda tilas harey kaŋ yaŋ himanda.

Ciiti fondo 26:

Laabey kaŋ na kambe dake tira wo ga hima ga ciiti fuwey boŋ-duura daahirandi, i hima mo ga goy-me yaŋ sinji kaŋ yaŋ ga borey alhakey nda i boŋ-duurey hallasi mate kaŋ a go tira wo ra.

DUMBARI HINKANTA : TILASEY

Ciiti fondo 27:

- 1- Boro kulu no gonda tinay : almayaalo, al-umma, gomnato, satey kaŋ gomnati dahirandi nda ndujnja laabey ga.
- 2- Boro alhakey nda a boŋ-duurey si goy kala da a ga nga cala alhakey beerandi, jama hallasa,

i biirima nda i kulu nafa bon.

Ciiti fondo 28:

A ga tilas boro kuku ga a ma nga hima-carey beerandi kaŋ sinda baara-baara, a ma waafaku nd'ey nayzeturay fondo ra kaŋ ga naŋ care beerandiyaŋ nda care se cindiyaj ma gaabu, a ma duumi mo i game ra.

Ciiti fondo 29:

Boro tilasey banda :

1. Boro ma haggoy nda nga almayaalo zaadayajo, a ma goy koyne kaŋ ga naŋ almayaalo ma care di ; a ma nga hayrayey beereandi lookaci kulu ra, a ma i ɻwaarandi ; i ma i gaakasinay mo.
2. Boro ma nga gaabo nda nga bayray daŋ ga nga laabo cina.
3. Boro ma si hari kaŋ ga lakkal-tunay daŋ nga laabo wala laabo kaŋ ra a go se.
4. Boro ma haggoy nda nga laabo boŋ-duura, a burcintara, nda hari kulu kaŋ ra i ga ba i ma ne boro ma faasa ni laabo se, mate kaŋ ciito fondey na gorandi nda.
5. Boro ma goy nga hina nda nga deedandi me, a ma nga jangalo bana mate kaŋ hino na dumbu nd'a, laabo nafa beerey batuyaŋ fondo ra.
6. Boro nda borey gora ra, boro ma lakkal daŋ Afirik naamu hanney gaabandijaŋo nda i hallasiyaŋo ga : cindi care se, sawaare, salaŋ ga yeeti care me ra, marganta day, boro ma kambe daŋ al-umma lakkal-kana ma duumi.
7. Boro ma kambe daŋ nga hina me waati kulu, deedandi kulu ra, Afirik ma te afolloŋ zaada yanj fonda ra.